

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-17591/19
Sarajevo, 04.11.2019. godine

Na osnovu člana člana 68. stav (4) tačka h), člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usloga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usloga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE

I

Prihvata se preporuka Komisije za javnu nabavku radova i poništava se postupak javne nabavke - Izgradnja sistema vodosnadbijevanja u obuhvatu RP „Bojnik – Dobroševići“ u zoni rezervoara „Donji Mihaljevići“, u otvorenom postupku, broj obavještenja 422-1-3-239-3-119/19 objavljen u „Službenom glasniku BiH – Oglasnik javne nabavke“, br. 60/19 od 06.9.2019. godine, obzirom da nijedna od primljenih ponuda nije prihvatljiva.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-23-17591/19 od 28.8.2019. godine Općina Novi Grad Sarajevo pokrenula je postupak javne nabavke - Izgradnja sistema vodosnadbijevanja u obuhvatu RP „Bojnik – Dobroševići“ u zoni rezervoara „Donji Mihaljevići“, u otvorenom postupku, broj obavještenja 422-1-3-239-3-119/19 objavljen u „Službenom glasniku BiH – Oglasnik javne nabavke“, br. 60/19 od 06.9.2019. godine

Zapisnikom o otvaranju ponuda od 26.9.2019. godine Komisija je konstatovala da je u predviđenom roku, u propisno upakovanim kovertama, pristiglo pet (5) ponuda ponuđača: 1. „Ted Invest“ d.o.o. Sarajevo, 2. „Džekos“ d.o.o. Sarajevo, 3. „Bujice“ d.o.o. Konjic, 4. konzorcij: „Manjo“ d.o.o. Sarajevo i „Bosman“ d.o.o. Sarajevo i 5. konzorcij: „Hydra“ d.o.o. Sarajevo i „Hidromont“ d.o.o. Srebrenik. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Ted Invest“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (d) tehnička i profesionalna sposobnost, odnosno ponuđač je za radne mašine/opremu dostavio upotrebne dozvole bez zapisnika koji čini sastavni dio istih, te je ponuda odbačena shodno odredbama člana 68. stav (4) tačka h) Zakona o javnim nabavkama.

Komisija je utvrdila da ponuđač „Džekos“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (d) tehnička i profesionalna sposobnost, odnosno nije dostavljena dokumentacija za opremu/alate za montažu vodovodnih cijevi i tlačno ispitivanje (2kom), te je ponuda odbačena shodno odredbama člana 68. stav (4) tačka h) Zakona o javnim nabavkama.

Komisija je utvrdila da ponuđač „Bujice“ d.o.o. Konjic ne ispunjava kvalifikacione uslove tražene u tenderskoj dokumentaciji iz tačke iz tačke 3.4.1. (d) tehnička i profesionalna sposobnost i tačke 4.4. cijena ponude (Aneks 3) odnosno ponuđač nije popunio Aneks 3 za sve stavke koje su navedene, i to na stranici broj 12. - montažni radovi, tačka 2. nisu popunjene jedinična i ukupna cijena. Ponuđač je dužan popuniti sve stavke obrasca za cijenu ponude i upisati jedinične cijene i ukupne iznose za sve stavke. Nadalje, ponuđač je dostavio dokumentaciju za samo jedan alat za montažu daktil cijevi, dok dokumentacija za drugi komad opreme/alata za montažu vodovodnih cijevi i tlačno ispitivanje nije dostavljena. Iz naprijed navedenih razloga ponuda je odbačena shodno odredbama člana 68. stav (4) tačka h) Zakona o javnim nabavkama.

Komisija je utvrdila da ponuđač konzorcij „Hydra“ d.o.o. Sarajevo i „Hidromont“ d.o.o. Srebrenik ne ispunjava kvalifikacione uslove tražene u tenderskoj dokumentaciji iz tačke 3.4.1. (d) tehnička i profesionalna sposobnost, odnosno da su za dva kamiona dostavljene potvrde o vlasništvu vozila, a ne saobraćajne dozvole, zatim je dostavljena upotrebna dozvola za samo jednu mašinu za iskop (rovokopač), a drugi list je kopija prvog jer je isti broj motora, te nije dostavljena dokumentacija za drugi komad opreme/alata za montažu vodovodnih cijevi i tlačno ispitivanje. Iz naprijed navedenih razloga ponuda konzorcija „Hydra“ d.o.o. Sarajevo i „Hidromont“ d.o.o. Srebrenik odbačena je shodno odredbama člana 68. stav (4) tačka h) Zakona o javnim nabavkama.

Komisija je utvrdila da ponuđač konzorcij: „Manjo“ d.o.o. Sarajevo i „Bosman“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (d) tehnička i profesionalna sposobnost, odnosno utvrđeno je da nije dostavljena dokumentacija za drugi komad opreme/alata za montažu vodovodnih cijevi i tlačno ispitivanje, te je ponuda odbačena shodno odredbama člana 68. stav (4) tačka h) Zakona o javnim nabavkama.

Imajući u vidu da je Komisija u cijelosti pravilno provela postupak i da je kvalifikovanost ponuđača izvršena u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 68. stav (4) tačka b) i h) i člana 69. stav (2) tačka d) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
mr. Nejra Smajić Šahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić